

〔清〕张官五 吴嗣仲等 修纂

同治
沅州府志

二


湖湘文库编辑出版委员会 岳麓书社

〔清〕张官五 吴嗣仲等 修纂

同治沅州府志

二

湖湘文库编辑出版委员会
岳麓书社



图书在版编目 (CIP) 数据

(同治)沅州府志/(清)张官五,(清)吴嗣仲修纂. —长沙:
岳麓书社, 2010.12

ISBN 978-7-80761-583-5

I. 同… II. ①张…②吴… III. 湖南省—地方志—清代
IV. K296.4

中国版本图书馆 CIP 数据核字(2010)第 262675 号



湖湘文库

湖湘文库编辑出版委员会

(同治)沅州府志(一、二)

据湖南图书馆藏本影印

修纂 [清]张官五 吴嗣仲

责任编辑 马美著

整体设计 郭天民

出版发行 岳麓书社

网 址 <http://www.yueluhistory.com>

地 址 湖南省长沙市爱民路47号

邮 编 410006

电 话 0731—88885616(邮购)

经 销 湖南省新华书店

印 刷 长沙化勘印刷有限公司

版 次 2011年2月第1版第1次印刷

开 本 960×640 1/16

印 张 54.25

字 数 631千字

书 号 ISBN 978-7-80761-583-5/G·965

定 价 125.00元

如有印装质量问题,请与承印厂调换

厂址:长沙市青园路4号 电话:0731—85583670 邮编:410004

ISBN 978-7-80761-583-5



9 787807 615835 >

湖南沅州府志卷之二十一

人物

培塿之上必有松柏十室之邑必有忠信樹人蓋無異於樹木也二氣之生機罔或遺諸百卉三代之直道自弗戾於羣倫初何嘗皆如橘過江而化枳虎入黔而駭驢耶沅雖僻遠天地清淑之所運行詎有偏倚明山之氣亦復興雲致雨無殊泰岱也明江之水亦復不日浴月無殊東海也人之英奇磊落負異於衆者正無俟訪慷慨於燕趙求通明於河澗矣惜前

沅州府志 卷之二十一 人物上

一

徽久選惟勝國以來始有可稽逮及我

朝遣逢

列聖甄陶於變時雍既深且遠涵濡

雅化地絕棘蕘到處無不薰為良善崖有芷也澗有蘭

也可於林間之書帶而覘堂上之德星焉志人物

沅州府

芷江縣附郭

治行

明

劉有年字大有泊春秋洪武五年以明經充沅州府

學訓導十八年擢福建道監察御史以親老辭請雲

南軍吏三十二年禮部侍郎董倫舉政事文學授直

隸太平知府永樂五年上儀禮逸經十八篇還交趾

按察司僉事八年卒於官刑部尚書黃福祭之文曰

江淮胸次殊潤規機文希韓柳學祖程朱肅風霜於

一道霑雨露於九重令名天下玉樹土中著有芷春

集藏於家萬歷州志按明一統志劉有年氏州人

監察御史數擢有聲擢太平府知府永樂中上儀禮

逸經十八篇轉交趾按察司僉事以疾卒時貢湖以

沅州府志

卷之二十一

人物上

二

尚書掌司事重其為人哭而祭之云萬姓誼同

大清一統志劉有年字大有沅州人洪武中為本州

訓導擢御史數擢有聲出知太平府永樂中上儀禮

逸經十有八篇官終交趾按察僉事辰州府志同

紀劉有年沅州人元季自廬徙居明洪武中以明

經薦拜御史尋以辭秩去洪武中上儀禮建武中

從書家得儀禮逸經十八篇上之命付史館建武中

起知太平府擢御史尋以辭秩去洪武中上儀禮建武中

調錦雲南後平交趾起為按察司僉事卒於官經義

考黃虞稷從此說又明張采曰永樂初太平守劉有

年進逸禮則知初而楚紀尤異然州志謂洪武二十

二年用薦出守太平實為建文二年蓋洪武除年

號故相治不易楚紀獨指洪武已至是時職通代

諸書皆謂永樂初獨指洪武已至是時職通代

而茂雲南又在永樂初恐不為無據也若謂洪武五

年以明經充沅州府學訓導考明史太祖甲辰歲

沅州路爲府至洪武九年復改爲州有年蓋初授府學訓導而後改訓州學也州志則未究言之耳茲仍存州志原傳於前備錄諸書於下以資參考

蔣奎洪武甲子領鄉薦乙丑成進士官刑科給事中
性剛介雅著直聲屢上封事切中時弊有不檢者撻手相戒懼爲所摘萬歷州志

胡昱字名世洪武甲子舉於鄉乙丑成進士授刑部主事識決平允獄無帶囚同官西曹者莫不推重萬歷州志

李才郁字尙文宣德七年貢景泰中歷官南京戶兵

沅州府志

卷之五

人物上

三

二部主事天順初擢武庫郎中博涉經史志行卓然
居官勤慎一時稱重大清一統志

胡陳宜德間貢入南監以書法選書誥敕出授安慶

府通判攝府事奏謬忠臣余闕籍祀名宦萬歷州志

陶友才正統間貢入南監以字學選書誥命授直隸

天長令政成報最擢和州知州丁外艱歸萬歷州志

胡靖字邦寧景泰癸酉舉人歷知四川金堂江西新

昌二縣事言動爲後進矜式嘗輯本州志大清一統志

楊茂字本隆博涉經史通曉時務官沅州衛指揮僉

事屢立軍功擢湖廣總指揮使天順五年朝廷廉其才勅授參將協鎮淮安咸化元年晉前府都督僉事
充總兵官挂漕運印六年加都督同知賜玉帶廉能
茂著年七十一致仕歸卒於里計開賜祭葬大清一統志

侯位字世卿按思州府志平溪衛人 大清一統志
入沅州人物蓋其時平溪地隸於沅也

正德辛未進士初授無錫縣尹判斷如神日了百餘

事民咸服邑當水陸衝往來驛使絡繹位性剛毅不

畏強禦行取兵部主事轉車駕司員外郎諫武宗徵

沅州府志

卷之六

人物上

四

行廷杖直聲大震後擢探汀巡撫奏減浮糧清海防
累官至兵部左侍郎大清一統志

黃琪字叔珍嘉靖辛卯舉人任江西吉安府通判嘗

攝府縣事有政聲英敏孝友博覽羣書所著多至性

語有明山雲望木洞松楸文集吉安鄒東郭羅念菴

歐南野諸太史序以傳之萬歷州志

胡慈字用賓嘉靖甲午舉人授戶部主事會典試雲

南性誠愷言動不苟居官尤以清節自砥惟臨清稅

執法嚴愼見忤權勢予告歸閉門戢影不見有司獨

得身心性命之學鄉人尊禮之

萬歷州志

李煥然字子晦幼若穎年十八餒於庠舉嘉靖丙午

順天鄉試授陝西同官縣令改福建建寧府教授戊

午同考順天辛酉典廣西試號得人擢建寧府通判

宅心仁厚居官清謹致政歸課子孫循矩度嗜經史

鄉黨懷服

萬歷州志

黃錫嘉靖間貢以孝友稱官海寧主簿潔清自飭人

不能干以私

萬歷州志

陶鑾嘉靖間貢令永壽縣與修陝西通志有功文獻

沅州府志

卷之天

人物上

五

萬歷州志

馬尙選隆慶間貢銓授南直隸鳳陽令雅著循聲解

組歸人目之以五柳高風云

萬歷州志

張蒞隆慶間貢授上蔡主簿性質樸無矯飾人多稱

其廉而有惠

萬歷州志

丁繼宗字克肖隆慶丁卯舉人居恆方矩自繩人以

愿謹推之初令直隸頓榆再補四川南溪保縣所至

政聲卓然晚歸田里課子孫以自娛慶舉上賓齒德

爲鄉閭所重

萬歷州志

李春登字元龍前達煥然孫萬歷壬午舉於鄉爲雲

南宜良縣令以經術飭吏治人歎其賢聞祖訃守承

重服制竟不赴補亦不以事謁當事州牧干瑞臨

聞其名造廬屬修州志志成仍託疾謝客

萬歷州志

馮應旻字伯高萬歷戊子舉人幼以英敏稱居心

本仁厚授浙江桐廬令有惠政士民懷之

萬歷州志

楊俊又萬歷間貢授四川郫縣知縣吏事精敏治績

稱最

萬歷州志

沈潤萬歷間貢知興寧縣文行爲鄉里冠冕居官治

沅州府志

卷之天

人物上

六

績亦偉

萬歷州志

曾亨萬歷間貢授睢州判筆畫裕如尋乞歸不復出

居鄉重誼敦倫講風高節爲時所仰

萬歷州志

張自輅州生員天啓四年水西安賊亂應募効力軍

前崇正二年以功授貴州安順府守禦所千戶尋以

老乞歸

萬歷州志

胡來縉字名家崇正間貢任江南溧水縣訓導改漢

川縣教諭有道而文人以爲不愧師儒後擢安慶府

通判凡所張弛皆釐然當乎人心士民莫不悅服

沅州志

志

滿啓泰爲人慷慨起家行伍著有勳績仕至辰州府

副將州志

國朝

鄭斌順治六年授思南府教授十五年隨經畧洪承

疇恢復沅州以功改遷副將鎮撫沅州等處其時苗

未蒙化易於生變斌恩威並濟民苗皆安生樂業舊州志

志

王命尊字君任仕本衛千戶順治十六年偏沅巡撫

沅州府志

卷之六

人物上

七

袁廡字委攝本衛守備事尋敘採辦軍需開闢道路

功奏請實授旋因裁衛改荊州衛守備舊州志

戴國忠康熙二十八年紅苗叛掠衡湘邊境撫院奏

請設哨官一員選勇畧能幹者充之羣推國忠遂駐

於大洞坪名曰洞坡哨招集土兵五十名設伏抵間

殺敵頗多苗不敢犯民賴以安舊州志

張謙字子吉號西山父中選令武昌因寄籍焉康熙

庚辰舉進士授四川珙縣珙荒僻無城郭民苗錯壤

前令誣報田糧賦較他縣重獲不足供民皆爲默歎

謙勸民墾荒約歲入以八與佃二供賦逃亡始還定

邑羅星河達敘江有歐趙二難巨石挺立舟行久患

之謙捐金召匠資而鑿之水勢頓平邑苦乏鹽謙請

富順鹽引俾客舟以鹽入者以穀出商民兩利之建

官廨立倉版勵士習正文體待苗以誠期會風雨必

出有所獻則却之在七年行取刑部主事甫六日晉

員外郎歷郎中謙精律例大司寇見謙稿卽判行後

典試貴州號爲得士又督學雲南力除積弊雍正元

年擢雲南按察使明年授大理寺左少卿旋巡撫貴

沅州府志

卷之六

人物上

八

州行至沅州驛舍卒年六十六有九行橐蕭然幾無以

殮時總兵石禮哈攝黔撫事遣官經理其喪以狀聞

予祭葬諡天性孝友命咸早卒哭之極哀髮驟白生平有

餘俸分給親友囊不留一錢湖廣通志 朱志稿

鄧鍾喬字特生康熙十九年隨征南大將軍賴塔征

雲南薦授雲南河西縣典史運糧有功委攝順寧府

經歷總督綏遠將軍蔡毓榮敘鍾喬擒獲逆賊郭壯

行功奏請實授官居凡二載以親老告歸于梓森舊州志

志

鄧梓森字如松以諸生入太學雍正八年授福建漳浦縣丞分駐雲霄地濱海匪賊出沒緝捕能嚴又兼管東場鹽務力禁私梟俗好械鬪且多抗糧者曲爲開導之習俗少變居二載上官以爲能移臺灣縣丞任滿還上杭縣丞尋兼縣篆乾隆六年擢知羅源縣縣介山海間地瘠民貧多方拊循得以漸甦前故令負帑三百金受代而返其喪又有前令減修城千餘金不能償爲之宛轉請豁纔五月以疾卒民多流涕郡守林興泗稔其賢屬同官賻助喪始歸

舊府志

沅州府志

卷之六 人物上

九

趙琦由鎮軍鎮標都總有功授沅州協千總時大吏以西溪苗梗必須專員彈壓請添設甘味一汛雍正六年以琦駐防撫馭五載苗皆率化

芷江縣志

劉芳栢雍正七年以康貢授黃平州訓導居家孝友課士先行誼而後文章雍正十三年苗叛從事行間著有功績

芷江縣志

劉衡章初官山西安邑尉以勤慎稱乾隆二年授雲南蒙化府經歷後以乞養歸居官和平坦易漢人懷

舊府志

楊通仁雍正六年由行伍隨征鎮草苗有功後任甘

味汛千總十三年及乾隆元年兩以出師功歷陞江

西饒州鎮總兵每戰必克不負干城之選後卒於任

儒術

明

向文敏字懋學永樂癸卯舉人任江西朔日縣訓導

學行俱優兩典文衡卒於任祀名宦

萬曆州志

胡全正統甲子經魁任四川重慶府訓導廩南川教

諭有學行入重慶名宦祠

萬曆州志

沅州府志

卷之六 人物上

十

張佑正德間貢任金華訓導性淳厚敦睦嫺族居官

教迪韓有矩法爲名博士歿後公舉入祀名宦

萬曆州志

馬元吉字子修嘉靖間貢涉獵經史沉潛理學爲湛

若水高弟初官國子監助教遷徽府長史解綬歸隱

居明山請於學使者卽漁水之西關書院以祀薛文

清公講學其中凡十餘年學者稱明山先生有司高

其誼歿祀於鄉

大清一統志

馬奮然明山先生孫萬歷間貢授興山教諭學行雅

稱師模人謂其無負庭訓云

萬曆州志

楊廷珍嘉靖間貢任四川安居訓導迪士敦古行誥

文藝爲虛車之飾不可汨沒其間庠生澤其教者甚

衆致仕歸襍被蕭然安貧自適鄉人稱之萬歷州志

黃燮嘉靖間貢以清節自重矜然不易其介燮於仕

進屢舉賓筵萬歷州志

蔣弼嘉靖間貢任河南新鄭縣訓導嚴重有師範中

州人士美其教育萬歷州志

張天相嘉靖間貢任溫縣教諭善於誘導得安定蘇

湖之遺萬歷州志

沅州府志

卷之六

人物上

士

楊心萬歷間貢授廬州學正祀名宦廬志有曰未仕

而學行優早著鄉曲之譽化人而身教立獨廣心性

之傳道學本有眞修宦途輒能高蹈師儒之絕足蘇

湖之後身人以爲實錄云萬歷州志

鄧文炳萬歷間貢任祁陽縣教諭年八十有五齒德

俱備屢延上賓兵道袁應文尤優禮之萬歷州志

鄧文正萬歷間貢任漢陽府教授教澤被江漢間致

仕後樂道有高致萬歷州志

艾叔久萬歷間貢任嘉魚訓導性純謹學有根柢人

士以宿儒尊禮之卒於官萬歷州志

馮應斗萬歷間貢任龍南教諭訓士一循古法黻序

間多受其益萬歷州志

張訓字學仁性狷介不樂仕進隱居北郊授徒自給

郡中從遊者衆知名士多出其門使者按部至每優

獎焉萬歷州志

孟良玉字方壺崇正間貢才名見重當事仕銅仁府

教授以汲古倡人士始知力學上官薦其才擢南充

縣尹舊州志

沅州府志

卷之六

人物上

士

國朝

劉淮字次江以增貢官邵陽訓導居平篤於孝友義

周族黨間念先世僉事公以經術起家爲楚中冠冕

思振其緒遂奮於學凡儒先訓詁之有裨於經者刻

志湖流討源者久之比履官見廟學傾廢墮事完繕

首以經義詔士多沐其教者雍正甲辰補行鄉試爲

湖南設闈之始庠士余鳳舉舉文科第一累啓旦舉

文科第一一庠同科得兩元古所未有也且列榜六

人皆肄業於學者太守劉業以詩贈之云公門桃李

諸明倫八代文興學力真師範道山流教澤月廬身

後再來人人以為非益美云

舊府志

王正弼以歲貢授湘鄉縣學教諭品高學粹威儀辭

氣之間益然道學惟以樂育為心人咸師服

江縣志

李之郁由選拔入太學候銓以親老歸幼繼伯父舜

時為嗣舜時務農生父禹文力學郁以所得修脯半

歸繼父為治家計半歸生父為詩酒資兩父恬適歲

得數心學問淵懿喜獎進後輩慨然以風教為己程

讀書不治章句識趣超卓過事了了縣令哀守定贈

沅州府志

卷之天

人物上

三

以詩有力行所學真無愧偶發於詩亦有聲之句非

虛語也病篤以生母不得終養為恨囑其子善事之

江縣志

鄧友超拔貢生官新寧教諭幼聰穎讀書獨有心得

子弟爭出其門教品明誼卓然自立當事皆優禮之

晚年娛情山水雅懷胎般臨終囑孫曰篋中藏書甚

多唯並翁偶寄一編無益身心當檢出焚之學博孫

士遠志其墓曰守乎道尚其志雖希古不異世一經

傳家燭無益知君存心與人異著有慎修集藏於家

文苑

明

趙彬字文純性通敏博綜經史宣德九年御史薛瑄

以賢良薦待選吏部館於大學士楊溥之門後除都

察院檢校甫二年卒溥手自撰文祭之著有味道齋

稿傳於後

萬歷州志

張守通隆慶丁卯舉人內行謹篤積學工文屢上春

官不第授雅州廬山縣教諭未任卒於家

萬歷州志

向文寧鴻徵古籍精研經訓綜二十一史貫串之號

沅州府志

卷之天

人物上

四

稱博雅躬耕養母一時士大夫重其行兼服其學乞

詩文者得之以為寶著有南溪集藏於家

萬歷州志

郭雄資性厚重博覽羣書日與向文寧商推文史過

從甚密時以清隱同稱

萬歷州志

張恩博學能文與胡靖同修州志尤耽聲韻所過牆

壁皆有墨痕蕤林多傳寫之惜以諸生老

萬歷州志

國朝

張士聖邑諸生家庭雍睦克承先志以名教自勵薦

志問學有所著作立言期於有體不欲以執轡馭悅

郡中彈版多出其手當事延修志乘者再一門少長耳濡目染多以文行知名

舊府志

龔明遠字澹寧少好讀書以用世自期許中雍正癸卯武舉劾績伍中非其志也被辭歸歸刻意爲詩詞每登覽間適手揮口吟不少休其詩主於陶冶性情流連景物然英雄失路之況篇中往往見之吟老妓云芳菲已過艷陽天春盡江南罷管絃當日舞腰成瘦損東風無力送鞦韆讀者謂其得風人之遺卜城北數弓地雜蔣花藥以自適帥府聞其名屢召之不一

沅州府志

卷之六

人物上

五

往著有蔭嘉園小稿邑令王雲萬序之其甥李亮元梓以傳昔元末顧仲瑛受封武畧而明史列之文苑明遠浮湛詩酒寄託良深因援仲瑛之例以書之

舊府志

志

李太統字鴻緒束修自好在庠序中咸推爲禮法士家洪山下去城市絕遠日鍵戶鑽研經籍尤工制義試輒冠曹學使者手其牘恆歎賞不實乾隆癸酉以選貢應廷試後需次家居仍思掇科名以自見未幾卒時論惜之

舊府志

郭生魁以歲貢授宜章縣訓導才優學萃爲諸生時試輒冠軍又工於詩往來游覽咸有咏吟年逾老而詩益進及司鐸宜邑課士嚴而有法尋卒於任諸生德之捐金扶輓以歸

芷江縣志

蒲啓元邑庠生嗜讀書爲文專宗古大家成就後學甚富兼精青島之術著有地理家傳

忠義

明

周拱元少讀兵書出入辰沅蠻中相交易蠻人信之

沅州府志

卷之六

人物上

六

建文中應募入京試騎射答策授錦衣所鎮撫靖難後不屈死

分省人物考

馬成爲沅州衛總旗成化十一年總兵李震征白崖塘夜遇賊舉火持刃欲殺震成覺冒險被震走得免

後震建大功靖人立廟祀之成亦以義士稱

辰州府志

姚伏嘉靖中爲沅州衛百戶齎榜入謁見山招撫劾苗龍求兒等苗裔之降不從械繫數月不能屈其子

贖之始得釋尙書萬鎰歎曰姚伏顏死不撓義勇誠

可嘉也子極見孝友

萬歷州志

葉勳官沅州衛指揮擢清液守備嘉靖中征嶺南山

苗龍求兒等力戰死於陣事聞詔祠祀之舊州志

楊顯官沅州衛指揮同知擢廣東瓊崖泰將萬歷二

十八年調征播州楊應龍進破老君關奮勇血戰力

竭死之事聞贈都督僉事予應芝續芝同被難號一

門三烈舊州志

楊應芝顯長子以征播同父力戰而死事聞贈都指

揮僉事朱志稿

楊續芝顯季子同父勦播州赴烏江老君關不避矢

沅州府志 卷之六 人物上

七

石奮勇破關入播會拒戰應援不至續芝連斬數賊

力竭身被數十創遂歿於陣事聞贈昭勇校尉大清一

統志 州志

單之賁思州府志作平溪衛人今從一統志補入崇正間選貢官劍州學

正攝州事流寇陷城整衣冠從容就死事聞贈國子

監學錄一大清一統志

國朝

張應曉字鳳岡順治初賊亂城陷率其妻子登樓舉

火自焚死舊州志

田仁德協營把總雍正十三年貴州苗叛隨副將往

征屢與賊戰歷著摧陷功著章諸苗負恃拒敵官軍

相持久之仁德率兵馳擊奮勇深入矢石交下不反

顧自辰至午攻益疾援軍不繼力竭而死事聞

子祭葬卹其家廕一子舊府志

田宏玉仁德次子亦沅協把總乾隆五年勦城步緩

寧亂徭有勞績八年以疾卒十一年追錄平徭功廕

其子大榮七品監生以把總選補介胄之選可謂世

濟其美矣舊府志

沅州府志 卷之六 人物上

大

孝友

明

侯以寧少孤事母至孝母患氣疾痛楚欲絕以寧求

醫療治侍湯藥夜不解衣日禱額頭減己算以延母

壽時母不食者數日乃剖股為羹以進啖之疾愈越

三年母終哀毀踰常比葬天雨連旬以寧泣禱竟霽

人以爲至孝所感四明鄭綱序以表之辰州府志

唐相襲沅州衛百戶父璟早喪事母刻克孝妻亦善

體姑意母病臥牀相待湯藥三月不解帶調攝十餘

年未嘗少解母終葬日大雨相泣鵲之天忽霽又第
校早世遺孤纔數月相恐孤孀失所以已半俸給第
婦撫姪至於成立院司上其事請旌相年五十艱於
嗣後連舉五子先後遊庠人以爲孝友之報云舊州志
朱志相父病甚思鮮膾志相割股作羹以進父數之
族愈當事旌之萬歷州志

郭民仰父昂以貢應廷試歿於道民仰方垂髫走號
扶輓歸步行千里顛顛無人色哀感路人事母張食
貧盡孝兄民望生而覽民仰事之如父歿後加禮營

沅州府志

卷之六

人物上

无

葬有某姓者夜舐其篋民仰覺之如弗見且秘不言
鄉人胡永旺納贖無力民仰代完之其厚道類如此

州志

姚極父伏以撫苗被繫極傾產入贖穴贖之歸人稱

其孝萬歷州志

張尙材年十二值母病晝夜祈禱願以身代割股作
羹以進母病遂愈天啓二年州牧馬慶箕上其事旌

門日孝感州志

國朝

胡或醇篤孝謹明末流寇充斥值其父卒冒難營葬
賊至義之不忍害湖廣通志

胡之琳或孫貢生有聲庠序至性過人祖父母春秋
高父其仁病屏不能力養之琳竭力奉事飲食起居
克盡孝思殯殮盡禮家苦貧苦耕以供菽水藥餌資
晝授徒夜侍父疾達曙十有二年極瘁弗顧父臥病
久樂與里人談瑣屑之琳日拮据治具待之以爲常
可謂善養志矣值歲歉忍饑供親一日餒甚臥地不
能起父覺之撫而泣後二親俱病痢聞麻陽山中有

沅州府志

卷之六

人物上

丰

良醫之琳夜走乞方顛顛墜崖得無恙弟之瑛早世
遺二姪撫育備至皆得成立弟婦蕭氏亦以節孝全
族姪錦昌窮老無所依賴之琳衣食死爲之厝其他
義行不勝枚舉舊府志

龍霖順治初流寇未靖負二親逃巖谷間日求甘旨

奉養親歿居廬枕塊大清一統志

劉星爲人傭作積貲葬父負母避寇山中越險墜崖

母子並全雍正七年旌大清一統志

劉國賓生於明萬歷末自少以孝稱順治初亂賊掠

境國寶負母逃避路遇賊刳其母衣且以刃加國寶背血流手足國寶無懼色跪乞母衣甚哀賊義還之康熙間又遭逆藩亂族弟國宥者年甫十二被擄其母汪氏發婦也哭之失明國寶憐之走覓踰年遇之偕歸還其母汪目復明且分田贍其母子人多義之以理法治家愚者耕秀者讀片文尺綬不入私室年

至八十有三

舊府志

李之棟邑諸生母病卒哭踊幾絕水漿不入口父諭之曰若不爲我地耶乃勉進食承歡養志事庶母如

沅州府志

卷之六

人物上

三

親母族黨以孝稱

湖廣通志

李長盛之棟子歲貢生康熙甲寅逆藩煽亂奉父匿黃嶽巖洞間覓食以膳賊刳其父去號求不得聞在賊所趨赴之願以身受刃賊感其孝並釋之時年僅十八稍長念母早逝恆飲泣枕褥有淚痕父續娶長盛事之盡孝最後母胡生季弟長瓚纔七齡父卽世待之尤極友愛比析產均其業長瓚念兄老食指數倍於已推多以讓里人兩賢之長盛生平好義無倦色課子孫讀書砥行于義郡庠生亦孝行可風孫太

統別見文苑

舊府志

李之連嗜讀書篤於倫理恪共子職鄉里稱孝者無

間言雍正七年

湖廣通志

張世正邑貢生性純孝父病禱於神遂愈著家範

四條訓諭族人每教授生徒必先器識而後文藝鄉

里有不能婚葬者輒助之又常造舟濟渡雍正九年

旌

大清一統志

張可智幼有至性甫弱冠奉二親避逆藩亂於高明

山谷中日往返數十里負米執爨以供自攝茅根啜

沅州府志

卷之六

人物上

三

之父歿喪具苦不備負土以窆母病篤聞百外巖

門若有神降乩匍匐往禱之得方歸服之尋愈母壽

至九十四可智善治家後漸豐裕終身惟布素粗糲

子孫有以華腴進者輒慨然曰吾父病求一藥不可

得死無尺寸帛今何忍觀此泥以之目御耶力却之

族有違賦者恆代完之置義田以篤任卹又會同民

負債鬻妻急解粟爲之償其厚德如此平生善行甚

多里人爭相稱道乾隆二年具其事實以

上聞奉

旨旌其孝總憲羅源漢著有碑記

舊府志

張友壁友軫同爲諸生夙敦友愛垂老無少忤康熙

間吳逆寇境友壁負母匿天雷山拮据奉養日與諸

弟啖草實以活母持釋氏戒茹素終其身友軫亦不

忍烹鮮淡食以承母志歲壬午遷建州學捐大木百

株以助宅臨楊溪行旅恆待渡遂出貲倡修橋又置

塚施棺以瘞無歸者雍正八年大府檄訪善行友壁

已歿州牧以友軫應軫力辭人愈高之軫于士聖見

文苑

舊府志

沅州府志

卷之六

人物上

五

張爾任幼失母事父盡孝父歿祖母老晝扶掖夜伴

宿焉康熙壬午歲大疫人惟探厥活朝夕爾任見祖

母餐蕨輒吐忍餓走易米炊奉之又從兄年逾四十

尙未有室質田爲之聘且分已產以贍之後從兄舉

二子猶賴其庇藉故麻陽產之在麻者聽族人收租

弗問也兩境皆稱爲長者

舊府志

李世壽至性純篤父病不解帶者八月諸昆弟有

不足者周之無倦色貧不能殯葬者賻助之

縣志

張必經邑廩生幼失怙恃每遇忌辰哀泣以奠一月

恆數至墓所徘徊不忍去人叩之曰生未得養聊以

此當定省族故無祠倡建之又爲置祭田得敬宗收

族之義學問深粹爲文獨宗先正不以風氣變其體

裁詩詞古文亦傑爾孤標從遊者甚衆

縣志

鄧梓盛邑庠生幼喪父惟母是依母疾夜所批斗久

之弗倦進藥滌衣必身親之雖有婢不敢委焉迨母

卒所遺手澤見之輒潸潸淚下家人爲藏之

縣志

李長皇邑庠生性孝友以名教爲樂地終身克全順

德

縣志

沅州府志

卷之六

人物上

五

張宿煌以歲貢任臨武訓導性純孝母病臥五載侍

奉湯藥親滌垢穢及卒三年不見齒叔聯瑞叔母宋

氏年老無嗣煌迎歸奉養生事死葬一如生我年至

八十有六

縣志

胡來容年七歲父歿悲泣如成人崇正十七年十

四流寇掠境奉母逃避武岡州未半載母歿無以爲

殮賣身於江姓得錢以殯母

縣志

洪起蛟家貧兄弟四人長次早歿遺男女九口堂有

祖父母父母并弟姪妻子輩一家二十餘口養贍婚

嫁葬送皆出其力居嘗敬惜字紙刊惜字文施送

節鍾雲事父母日淺遇忌辰輒泣奠誦孝經數十遍

悲念劬勞歲甲寅吳逆變亂人皆遠遁祖之梅年邁

行遲賊及之脅以刃雲請以身代賊憐而釋之終身

與弟鍾露不忍離析年七十州守趙之曰德隱可風

于梓佳見篤行

縣志

張聯翼幼穎悟十歲能文及長博涉經史深於性理

之學兼有詩名父病禱於明山赤足走盤磴不知瘁

霜嫂難姪一體視之家貧教授生徒資以養生敦倫

沅州府志

卷之天

人物上

三

重義當事咸欽其為人

縣志

王毓靈性孝友父患足疾朝夕躬親扶持者三年兄

嫂歿遺二孤撫之如己于壽至八十有二

縣志

關機喬為人溫厚事母無忝

縣志

鄧友仁字效山太學生性純孝善承父志生母張氏

病乳癰親侍湯藥聞天柱有良醫冒雨夜往求之妻

割股和藥以進病遂愈事繼母劉氏倍純謹奉養不

少僂生平好善樂施有周某寄布四十疋越五載遇

其于知周沒告以故取布還之周于感泣一時頌其

古道又倡修中楊溪下楊溪文津灘三橋發建學宮

捐地以廣基址壽至八十于成功成泰成魁俱有聲

庠序人以爲孝友之報

鄧友書事親能養志父患足病舉發恆踰月書日夜

撫摩不忍刻離母年九十餘書年亦七十癯瘠猶必

躬親問視又嘗撫孤姪俾之成立惠及窮乏使皆得

所性好恬靜罕至城市人尤高其品誼

向春浪性孝友與兄春盛析居久盛家落攜于將遠

徒浪力薄不能留又不忍別因亦變產隨之去後盛

沅州府志

卷之天

人物上

三

故遺子應桃未冠浪携歸撫育成立桃于芝秀浪之

子應琦復爲延師課讀愛如己于人以爲是父是子

云

張岳拔貢生父士聖性嚴正岳承順得其歡心及歿

對手澤輒涕泣母如齋岳苦之請代弗許後以肄業

成均每屆母齋期輒悄然不樂友人知其篤性爲立

孝子傳期滿急歸色養歡如至宅心仁厚植品端方

均爲鄉里所推服

高自貴幼失怙菽水奉母刻不忍離愛兄以誠老而

愈篤人以孝友稱焉

蒲成瓚事親篤孝繼母楊氏病疽親以口吮其膿兄

弟六人極相友愛又尚義輕財爲閭里所重

胡世煜邑庠生幼失恃事父孝事繼母尤謹待諸弟

無異同胞子啓瑜體父志力學不倦有聲疊嶂邑令

袁守定贈額曰純孝發祥

龍永祿淳樸少文事父孝日捕魚弋鳥以供甘旨父

老祿年亦七十餘旦夕侍奉從不信宿親友家至今

鄉里稱頌無異言

沅州府志

卷之天

人物上

主

向應武職員尚義篤篤友愛弟應超應光皆庶出父
故翁俱幼武克承父志教育諸翁皆行成名立其重
師儒樞孤苦皆可式風勵俗

篤行

明

龔潮懷廉篤義丁德七年大帥討鎮竿戮苗潮効力

軍前無所撓避人多義之

萬歷
州志

鄧鏡古貌有質行人以耆舊推之種歲歉納粟於官

以助賑恤爲有司所重

萬歷
州志

沈儒束修自好爲蠻序望博士每上其行學使者按
部至屢優異之

萬歷
州志

彭宦字世臣性謹厚善詩文書法入古爲里塾師三

十年不入城市別駕蘇繼文卒衡皆親造其廬州牧

彭挺賦詩贈之年至八十有七

萬歷
州志

何遵字道行淳樸孝友屏跡山林壽至九十有六

萬歷

州志

馬天然性磊落無城府餽諸生中者二十餘年有山

水之癖雖暮齒一杖隨身登涉無虛日與二三老輩

沅州府志

卷之天

人物上

夫

題襟命酒人望之如仙有昌和集年至八十餘
李蔚字汝文自少至老謹飭無玷人之澳忍齷齪者
魏焉富於學兼精岐黃恆其術以活人人多德之

萬歷
州志

孟宁食餼於庠以學行聞尤多義舉教讀岷府五

引歸肥遯自適鄉里重其齒德聞於有司寶筵爲舉

解焉

州志

陳銳萬歷六年貢勵學端品爲士林表率于孫遵循

之家政肅然

萬歷
州志